

Art. 57 - Cunventzionis

1. Su Consillu Comunali, pustis una proposta de sa Giunta, deliberat cunventzionis fatas po cussu de si fai cun amministratzionis statalis, àterus entis pùbblicus o cun privaus po donai a manera coordinada servìtzius pùbblicus.
2. Is cunventzionis depint nai is scopus, su tempus, is maneras de consultatzioni de is entis contraentis, is raportus finantziàrius insoru e is òbligis e garantzias chi tenint s'unu cun s'àteru.

Art. 58 - Cunsòrtzius

1. Su Comunu podit partecipai a sa costitutzioni de consòrtzius cun àterus entis localis po sa gestioni associada de uno o prus servìtzius segundu is arrègulas prevìdias po is aziendas specialis ca si podint aplicai.
2. Po custu su Consillu Comunali aprovat, a majoria assoluta de is cumponentis, una cunventzioni segundu su chi narat s'articulu de prima, impari a su Statutu de su cunsòrtziu.
3. Sa cunventzioni depit prevìdiri s'òbbligu a càrrigu de su cunsòrtziu de sa trasmissioni a su Comunu de is àutus fundamentalis ca ant a dèpiri èssiri pubblicaus cun is maneras naradas in s'art.38, comma 2, de custu Statutu.
4. Su Sìndigu o unu delegau cosa sua fait parti de s'assemblea de su cunsòrtziu cun responsabilitadi paris a sa cuota de partecipatzioni fissada de sa cunventzioni e de su Statutu de su cunsòrtziu.